

廣東圖說

廣東通志

番禺縣圖

番禺縣圖

度三西

羊三度十

度三

度三西



半度三西



半度三西

半三度十

半三度十

番禺縣

附郭漢置番禺縣宋開寶五年省入南海縣皇祐三年復置至今因之

與南海縣同城縣屬老城周八百三十五丈高二丈二尺南面新城周五百七十三丈高二丈東南門外城濠廣二丈深三尺五寸

烏龍岡城東一里上有礮臺

東山城東五里有東山廟

銀坑嶺城東二十里山勢高峻綿亘二十餘里左右有瀾灘石東爲雞籠岡

岡頭山城東三十五里有祥鎮軍祠南爲魚珠石有魚珠汎魚珠寺

雙對岡城東五十里右有蟹山左有魚山兩岡對峙大江中流故名往來大道有白沙汎

雞冠嶺城東六十里南爲戢旗岡南海神廟祀神則建旗其上故名

荔枝山城東六十里山勢聳拔高峙雲霄上有石室可容百人
有濯雲池約二畝許舊植荔枝故名近多種梨春仲花開望若
積雪

羅峯山城東七十里諸峰環峙橫亘數十里田狹山多居民種

梅爲業無慮數十萬樹有羅峯寺羅岡墟左爲文頭山

赤岡城東南二十里有赤岡塔東南有赤岡墟又東南爲七星岡西爲鷺岡

馬鞍岡城東南五十里形似故名西爲歪頭岡又西爲大福岡又南爲三桂岡又西南爲飛鼠岡又南爲石球岡

員岡城東南五十里形似故名有員岡汛有雷峯海雲寺東爲施毛岡南爲黃龍岡西爲騰蛇岡西南爲獅岡有金甌寺

石壁山城東南五十里有石壁汛南爲四馬岡東南爲紗帽岡老鼠山城東南五十五里山勢綿延有鐵善人貓兒東南爲雙岡北爲菱塘司署有大龍墟

七星岡城東南六十里山勢平行有阬頭汛西爲三老峯

丫髻山城東南七十里形似故名南爲大鎮岡又東南爲唐帽嶺

大烏岡城東南七十五里一名抱旗山俗呼大夫山高削千仞橫亘數里城南鎮山兩江鎖鑰上有古烽堠仙姑石鸛鵒石南爲離明洞多古松其最高處曰文筆峯南爲獅子嶺又東南爲紅羅嶂又南爲橫岡東爲獨岡東北爲大石鼓又東北爲老鴉岡又東北爲得勝岡又東北爲張婆岡西北爲白頭嶺又西北爲會岡又西北爲雷壇岡西爲抱旗岡西南爲香爐岡又西南爲沙煲岡又西南爲南山有南山汛西界順德縣

烟管山城東南七十五里下多村落元末義士屈仲舒保障邑里築烟臺其上故名東南爲花山又東南爲郭嶺西爲仙嶺又西爲烏石岡又西南爲潭山又西南爲珠嶺又西爲山門岡又西南爲何岡鄧岡姚岡

南岡城東南八十里有南岡頭水汛東界增城縣

青羅嶂城東南八十五里一名白鹿岡相傳南漢劉龔常獲白鹿於此山勢高峻東爲二澤岡東南爲三角汛南爲南屏山峭石叢立上有逍遙臺下有九牛渡江石西爲唐山

大岡城東南八十五里往來大道西南爲紫泥關有雞公汛

羅山城東南八十五里有龍灣汛

蓮花山城東南九十里山石赭赤屹峙中流有蓮花城蓮花塔
蓮花山館西南爲石礪巖石壁峻削形如獅子山下有石獅頭
鄉東界東莞縣東南濱獅子洋

浮蓮岡城東南一百里山石赭赤同蓮花山兩山對峙中隔平
疇峯巒高峻巖壑幽奇有玉宇巖善廣巖穹窮爽塏古木蕭森
有浮蓮塔浮蓮山館東界東莞縣東南濱獅子洋

寶岡城南十五里山勢平衍下多村落

漱珠岡城南二十里有漱珠寺

織羅岡城西北三十里往來大道北爲官橋市

三元岡城西北五十里西爲南岡

南岡城西北五十里山勢平衍下多村落有南岡墟汛

大石岡城西北六十里往來大道東爲石龍墟

金錢嶺城北一里上有永康礮臺

鳳凰山城北二里上有蒼定礮臺

白象嶺城北七十里往來大道南爲古樓場北界花縣

白雲山城東北十五里時出白雲故名有飛霞洞鶴舒臺碧虛

觀鄭仙巖蒲澗寺濂泉寺彌勒寺景泰寺月溪寺雲泉山館最

高峯爲摩星嶺西界南海縣

瘦狗嶺城東北十五里形似故名南有燕塘墟每年十月滿漢

八旗官兵演礮於此山下

五雷嶺城東北二十里五峯並峙故名東南爲握山

亞婆髻山城東北二十五里形似故名山石潔白石工多取材於此

耙齒嶺城東北二十五里山石巖巉形似故名

戩旗峯城東北三十里高峯特起四山環繞形似故名有戩旗村西南爲風門凹又西南爲大王樓山又西南爲大人巔

銅鑼岡城東北三十五里有銅鑼岡村遂雲市觀音廟

打石坳山城東北三十五里右有火羅嶺左有銀瓶嶺巖奇峭不可名狀雨後瀑布下垂形如匹練有龍眼洞村

金雞樓山城東北五十里西北有茶山村

宴岡嶺城東北七十里往來大道有白沙汛

葫蘆嶺城東北七十里形似故名

帽峯城東北八十里有帽峯寺西爲華木阮地最險隘往來大道

尋嶺城東北八十里西南爲葫蘆嶺

武臺山城東北九十里東北爲九佛墟往來大道又東北爲楊大嶺東界增城縣

五龍岡城東北一百二十里往來大道西有長腰汛

南海縣石門水東南流入縣西南境爲珠江西南別出爲大通
濠水東南別出爲大黃濠水又屈東北流經省城南

江中有海珠石江以

石名上有礮臺

又東北流經東礮臺

有海關

又屈東南分流繞二沙尾復

合沙河水西派自東北來注之又東南分流繞赤岡沙復合沙

河水東派自西北來注之東南別出爲瀝涪水又東南流經獵

德汎

江中有沙洲最爲險隘上有礮臺

石溪自東北來注之又東南分流繞琵琶

洲復合又東南流經東圃汎東圃水自西北來注之又東南

流經黃埔新洲

海船可以寄碇有海關

又東南分流繞常洲復合橫沙水

自西北來注之西流別出爲北亭水南流別出爲南亭水又東

南流經烏涌汎黃陂水自東北來注之又東南流經白沙汎東

江自東北來會東江自東莞縣西南流入縣東南境南岡水東

派自東北來注之又西南流經南岡汎南岡水西派自東北來

注之又西南流繞沙洲復合并頭水自東北來注之又西南分

流繞極骨沙復合又東南流經波羅

有南海神廟

又西南流與珠江

會二源會合又屈東南流爲獅子洋又東南流經菱塘汎又東

南流經蓮花山又東南分流繞海心沙復合浮蓮岡水自西北

來注之又東南分流繞清流沙復合又東南分流繞大濠沙復

合又東南分流入東莞縣西南境大黃濬水首受珠江東南流

經芳村又東南流經招村又東南流繞龜岡

上有大黃濬礮臺

復合又

東南分流繞海心洲復合大通濬水自西北來會大通濬水首

受南海縣石門水西南流經大通汎又屈東南流經西塋又東

南流與大黃濬水會二源會合又東南分流繞福壽圍復合又

東南分流繞上猛下猛復合又東南分流繞上潒下潒復合潒
潒水自東北來會潒潒水首受珠江東南分流繞赤沙復合又
屈西南分流繞潒潒復合北亭水合南亭水自東北來注之又
西南流與大黃潒水會二源會合又屈東南流經陳頭又東南
流經永清汎又東南流經韋涌汎又東南流經平山又東南流
經抱棋又東南流分三派北派東南流經大烏岡又東南流經
紅羅嶂又東南流經市橋又東南流經沙墟又東南流經新橋
又東南流經大龍墟汎又東南流經永靖營又東南流入東莞
縣西南境中派東南分流繞古壩龍灣復合又東南分流繞沙
洲復合又東南分流入香山縣東北境南派東南分流繞紫泥